

# **IMAQARNILIAQ SAA- Sanarfinermut Avatangiisinullu Ataatsimiititaq 13-01-2022**

**Ulloq ataatsimiiffissaq**    Torsdag 13. januar 2022 kl. 16:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Illoqarfimmik inissianillu inerisaanermi 2022-mi suliassat pilersaarutaasut.....	7
Inissianik ineriartortitsinissaq, Ningitsivik, Nuuk.....	11
Kommunimut pilersaarummut tapiliussamut siunnersuut 1C30-4 Tuujuk, Nuuk.....	14
Qeqertarsuatsiaani aalisakkanut fabrikkiliornissaq.....	17
Sanaartornermut aningaasaliissutiniit sanaartornermut aningaasaliissutininut allanut nuussineq.....	20
Piginnaatitsinermik agguataarinissamut pilersaarutip nutarterneqarnera.....	24
Lukket.....	27
Lukket.....	28
Lukket.....	29
Taasariaqartut allat.....	30
Imaqarniliap akuerineqarnera.....	31

# **IMMIKKOORTOQ .: Saqqaa**

## **Peqataasussat**

Justus Hansen (D), siulersuisoq

Uju Petersen (IA)

Lone Rosengreen Pedersen (IA)

Naya-Sophia Lyberth (IA)

Peter Davidesn (S)

## **Beslutning**

Ataatsimiinneq Tusassip attaveqaataatigut ingerlanneqassaaq.

# **IMMIKKOORTOQ .: Oqaluuserisassat akuersissutigineqarneri**

## **Beslutning**

Oqaluuserisassat akuersissutigineqarput.

# IMMIKKOORTOQ .: Nalunaarutit

## Beslutning

### Ingerlatsiviup ataatsimut suliarisimasai:

Ingerlatsiviit akornanni assigiinngitsunik pilersaarusiornermut suleqatigiit pilersinneqarput, immikkoortunilu ataasiakkaani avataaniit peqataasoqarpoq:

- Oqartussatut suliaqartarnerit
- Inissiat
- Nunaminertat
- Kommuniimi umiatsianik inissiiviit
- Getorganized kommunip uppernarsaatitut journalinullu tunngatillugu atortorissaarutaanik atuineq

Pilersaarutinut suleqatigiit tunngaviumik maanna suleriaatsit misissussavaat paasiniallugu sutigut pisariillisaanissamut pitsanngorsaattissanillu periarfissat Sanarfinermut Avatangiisinullu aqutsisunut saqqummiutissavaat. Attuumassuteqarsinnaappata angusat siunissami politikikkut inassuteqaatissat immikkoortunut tunngavissiuussapput, taakkualu pisariaqartitsineq tunngavigalugu ulluinnarni allaffissornikkut atuutilersinneqassapput.

Suleqatigiit tamarmik maanna aallartisarnermiipput.

### Esani A/S-imut tunngatillugu Ingerlatsiviup suliai:

Esani A/S 2021-mi juulliliivissoq kommunit ataatsimoorlutik ikuallaavissaanik sanaartornissamut atatillugu aningaasaliissuteqarnissamik Kalaallit Nunaanni aningaaserivinnik isumaqatigiissummik atsiarpoq. Kingusinnerusukkut Esanip taarsigassarsisimaneranut atatillugu piunasaqaatit kiisalu siornatigut politikikkut aalajangiussat, ilaatigut ikuallaavissap titartarneqarneranut tunngasunik imalik, Aningaasaqarnermut Inuusutissarsiornermullu Ataatsimiititamat suliamik saqqummiussisoqassaaq.

Maannakkut eqqagassaleriffiup Esanimit tiguneqarnissaanut tunngatillugu utaqqiisaagallartumik aaqqiisoqareerpoq.

### Sanaartorneq:

Ingerlatsivik NCD A/S-imut suliarinneqqusissummik piunasaqarpoq, matumani Sinarsuani meeqqeriviliornissaq pillugu, assigiinngitsunik piunasaqaatitalinnik, ilaatigut kommunip NCD-llu akornanni attartornissamut isumaqatigiissut Namminersorlutik Oqartussanit akuersissutigineqaqqaarnissaanut tunngasoq ilanngullugu. 2022-mut missingersuutit tunngavigineqarpoq.

Paamiuni tigooraavik/materialgårdeni nutaamut atuuffiit kingulliit qulaajarneqarneri naammassineqalerput, maannakkullu illuliassanik titartaasartup avataaneersup pilersaarusiorneq ingerlappaa.

### Pilersaarut:

Nunaminertanut Oqartussaqaqfimmi nutaamik immikkoortortami aqutsisumik atorfinitsitsisoqammarpoq..

Pilersaarusiornermut Immikkoortortaq nutaamik illoqarfimmi pilersaarusiortumik atorfinitsitsivoq - taamaalilluni immikkoortortami atorfiit tamarmik inuttaqalerput - taamaattorli atorfillit marluk ernineq pequtugalugu sulinnigiffeqarput.

Ukiuoorutunik aqqusinermi angallattunik kisitsinerit nalunaarsuinerillu pillugit suliniutit assigiinngitsut suliarineqartussanngorput, ilaatigut aqquserngit naapiffianni, angallannermut iluaqutaaniassammata, qullilersuinissat pilersaarusioneqassapput.

Kisitsinerit takutippaattaaq suliniutit kingunerisaannik Nuutoqqami angallannerit malunnaatilimmik ikileriangaatsiarsimasut, tassa 2019-imi 188-iummata, 2021-milu kisitsisit 41-ullutik. Tassa imaappoq -78%-imik ikileriaateqarput.

# **IMMIKKOORTOQ 1: Illoqarfimmik inissianillu inerisaanermi 2022-mi suliaasat pilersaarutaasut**

## **Beslutning**

Ilisimatitsissut tusaatissatut tiguneqarpoq.

## **Ilanngussat**

Immikkoortut siunnersuutigineqartut assinga

## **Illoqarfimmik inissianillu inerisaanermi 2022-mi suliassat pilersaarutaasut**

Ilisimatitsissut

SagsID.: EMN-2021-16745

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat ilisimatitsissutigivaa:

- ilisimatitsissut tusaatissatut tiguneqassasoq

### **Suliamik saqqummiussineq**

Matumuuna ingerlatsiviup ilisimatitsissutigissavaa kommunimut pilersaarutitut tapiliussat, periusissiat pilersaarutillu sorliit ukiumi matumani aallartinneqarlutik pilersaarutigineqarnersut:

Nunatarsuaq immikkoortoq akuersissuteqarfik:

Ataatsimiititap ulloq 14. septembari 2021-mi aalajangiinera tunngavigalugu Ingerlatsiviup kommunimut pilersaarummut tapiliussaq nutaaq aallartissavaa, Nuup Kangerluani immikkoortumi tammajuitsussarsiorluni tuttunniartitsinissamat atugassanngorlugu akuersissutigineqartoq pillugu. Pilersaarut 2022-p qiteqqunnerani aallartinneqassaaq.

4A9-1 Uppitalik, Nuuk

Ingerlatsiviup ukiup siuliani kommunalbestyrelsip Nuummi inissianik pilersuinerup qulakkeerneqarnissaa pillugu anguniagaa suliaralugu aallartippaa. Taamaattumik Qingutsinni, Nuuk, immikkoortoq Uppitalik immikkoortukkuutaarlugu pilersaarusionerqassaaq, sanaartorfissagissarnissaa tamatumalu kingornatigut inissialiortoqarnissaa periarfissikkumallugu. Immikkoortumi annerusumik inissianik blokkinik sanaartortoqarnissaa pilersaarutigineqarpoq, aallaavittut namminersortut pisortallu sanaartornissaannut atugassanngortinneqartussaq. Pilersaarut 2022-p qiteqqunnerani aallartinneqassaaq.

2B2-6 / 2B4-2 Umiarsualiviup inerisarnera Qeqertat, Nuuk

Sanaartorfissanik atugassiisoqassaaq, umiarsualivimmut/talittarfimmumut attuumassuteqartut nunaminertat inuussutissarsiuteqarfiusut piumaneqarneri naammassiumallugu. Tamanna inuussutissarsiuteqartut Maritime Netværk (imarsionerq pillugu attaveqatigiit) sinniisui qanimut suleqatigalugit pissaaq.

Pingaarnertut pilersaarusionerqarnera aallartinneqareerpoq, tamannali ajornakusoorsinnaasoq piffissartornartuusorlu paasinarsisimavoq.

Sanaartorfissiat pilersaarusionerqarnerat 2022-p aallartinnerani aallartinneqassaaq.

20A7-1 Aqqusinersuaq, Paamiut

Paamiuni inissialiortoqarnissaanik kommunalbestyrelsip aalajangernera piviusunngortinniarlugu, pilersaarummut tapiliussamik nutaamik suliaqartoqassaaq. Illoqarfiup qeqqata nukittorsarneqarnissaa illoqarfiup periusissiorfigineranut pilersaarusionerqarneranullu naapertuuttusoq nalilerneqarpoq. Immikkoortup ilaa inissialiortifissatut immikkoorteriigaavoq, taamaattumillu siunertat pioreersut eqiteriffigineqarnissaat pineqarpoq.

Pilersaarutissaq 2022-p qiteqqunnerani aallartinneqassaaq.

40B2 Ittoqqortoormiini Aalborgvejip eqqaani umiarsualiveqarfik Immikkoortup ilaa umiarsualivinnut siunertanut atorneqarnissaa aalajangersaavigineqareerpoq, taamaalilluni immikkoortoq immikkuualuttunut aalajangersakkanik pilersaarusiortifigineqassaaq, ilaatigut multiværkstedimut talittarfissamullu sanaartorfissanik atugassiisoqarluni. Pilersaarutissaq 2022-p qiteqqunnerani aallartinneqassaaq

4B4 / 4E2 Immikkoortoq inuussutissarsiuteqarfiusoq, Nuuk Nuummi nunaminertat inuussutissarsiuteqarfiusut aamma inissiivissat amigaatigineqarput. Immikkoortoq massakut mittarfiup avannamut kangianiittoq sanaartorfissagissarneqareerpoq massakullu nunagissarneqalerpoq. Ingerlatsivimmit nalilerneqarpoq, piffissanngortoq immikkuualuttumut pilersaarusiorternerup naliliiffigeqqinnissaa, inissiivissat il.il. periarfissaqalersillugit. Suliaq 2022-p naanerani aallartinneqassaaq.

Qulaani pineqartut pillugit kommunimut pilersaarummut tapiliussassami pilersaarusiorternerumut immikkoortoqarfimmit suliaq/pilersaarutit tulluuttut uku aqqiivigineqassapput:

Pilersaarusiorternermi periusissaq  
Pilersaarusiorternerumut inatsit (pilersaarusiorterneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq) malillugu Kommunalbestyrelse kommunimut pilersaarummut pilersaarusiorternerumut periusissamik siunnersuusiortussaavoq tamanut saqqummiunneqartussamik, kommunimut qinersinerup kingorna qinigaaffiup siulliup affaata qaangiutinnginnerani. Periusissaq suleqatigiinnissamik isumaqatigiisummik tungaveqartinneqassaaq, kommunimi pilersaarusiortifigineqartoq qitiutillugu. 2021-p naanerani aallartinneqarpoq.

Tasiilap nutaamik pingaarnertut ilusissaa  
Kommunalbestyrelsi Tasiilami ullutsinnut naleqquttunik inissianik pilersitsisoqarnissaa pillugu aalajangiinera tungavigalugu illoqarfiup nutaamik ilusissaa suliarineqassaaq. Taanna, najugaqatigiiffinnik/inissianik amerlanerusunik periarfissaqarnera pillugu, inissaqassutsimik aamma nutaanik sanaartornissamut isaterinissap misissuiffigineqarnissaa pillugu misissuinermik qitiutississaaq, taamaalilluni illoqarfiup qeqqata pilerinartuunnarnissaa qulakkeerneqassammat. 2022-p naanerani aallartissaaq.

Illuliortaatsimut piujuartitsinermullu politikki  
Pilersaarusiorternerumut periuseq P18-imi, piujuartitsineq tungavigalugu sanaartornissamut periusissaq/pilersaarut, anguniakkanut ilaavoq. Suliaq taanna kommunip Illuliortaatsimut politikkiata misissorneqarnissaanik aamma kinguneqarsimavoq, taannalu sakkusanik tigussaannerusunik imaqarpoq, siunertarineqartut piinnarnagit. 2021-mi aallartinneqarpoq.

Sukisaarsarfiit pillugit Pilersaarut, Nuuk  
Nuuk pillugu sukisaarsarfinnut pilersaarut misissorneqassaaq. Tassani illoqarfimmi sukisaarsarfiit sunik iluatinnartoqarneri oqaasertalersorneqassapput, aamma illoqarfiup ineriartortinneqarneranut suut qulakkeerneqassanersut. Suliaq 2022-p qiteqqunnerani/naanerani aallartinneqassaaq.

### **Ingerlatsivimmit aningaasatigut sulisoqarnikkullu naliliinerit**

Pilersaarutiniq suliaqarneq inuit 3-t ukiumut naammassisinnaasaannik tigusissaaq aamma suliamut atatillugu avataaniit siunnersorneqarnissaaq. Tamanna ingerlatsiviup missingersuutaanut ilanngunneqareerpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**

- Pilersarusiorneq aamma nunaminertat atornerartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

**Ilangussaq**

1. Immikkoortut siunnersuutigineqartut assinga

## **IMMIKKOORTOQ 2: Inissianik ineriartortitsinissaq, Ningitsivik, Nuuk**

### **Beslutning**

Inassuteqaat akuersissutigineqarpoq.

### **Ilanngussat**

Sanaartornissamut qinnuteqaat

Inatsisartut inatsisaat nr. 34, 9. december 2015-imeersoq

Misissugassatut allattorsimaffik Sanarfinermut Avatangiisinullu Ingerlatsivimmit suliarineqarpoq

Naliliinissamut allattorsimaffik Sanarfinermut Avatangiisinullu Ingerlatsivimmit suliarineqarpoq

## Inissianik ineriartortitsinissaq, Ningitsivik, Nuuk

Pilersaarutitut qinnuteqaat / Inaarutaasumik akuersissutiginninneq

Aalajangiiffigisassaq

Suliap ilisarnaataa: EMN-2021-11610

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- pilersaarutitut qinnuteqaat, Nuummi Ningitsivimmi inissialiornissamik siunnersuut ingerlatsiviup oqaaseqaatai ilanngullugit akuersissutigineqassasoq
- suliaq akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit Berjaya Invest A/S-imit sanaartornissamik qinnuteqaat tiguneqarpoq, Nuummi Ningitsivimmi immikkoortup ilaani 4C3-mi inissianik 66-inik sanaartornissamik kissaateqarpoq.

Pilersaarut maanna sap.ak. 8-ni piffissami 20. septembarimiit 15. novembarimut 2021 tamanut tusarniutigineqareerpoq. Tusarniuteqarnerup ingerlanerani innuttaasunik paasissutissiineq Illorput-mi ulloq 5. oktobarimi nal. 16.30 pivoq. Tassunga innuttaasut 15-it miss. takkupput.

Piffissami tusarniaaffiusumi tusarniaanermut akissuteqaatinik tigusaqartoqanngilaq.

Pilersaarutip imarai, blokit pingasut sisamanik quleriillit, 56-inik inissiallit kiisalu illut qulit aneersuarfittallit imminnut atasut marlunnik quleriillit, pingasunut illunut agguataagaasut. Inissiat assigiinngisitaartuupput marlunnik initalit 57,6 m<sup>2</sup>, pingasunik initalit 67,5 m<sup>2</sup> aamma sisamanik initalit 93,1 m<sup>2</sup>. Illut aneersuarterfillit tamarmik sisamanik initaqarput 171 m<sup>2</sup>-inik angissuseqarlutik.

Sanaartugaq immikkoortup ilaaniippoq ullumikkut meeqqeriveqarfinnut atugassiussutigineqarsimasumut. Taamaattorli meeqqeriviup inissisimanera qanittumut immikkoortup ilaanut, 4A7 Mitsimmavik, nuunneqarsimavoq, taamaalillunilu kommunimut pilersaarummut tapiliussaq nutaanngilivallaarsimavoq. Taamaalilluni pilersaarut, ilaqutariinnut inissianut tunngassuteqartoq, Qinnngutta kujataatungaanut kommunip pingaarnertut pilersaarutaanut periusissiaanullu tulluaqqinnaarpoq.

Eqqaanut ataqatigiinnissaanut tunngasut suli naammassillugit ineriartortinneqanngillat. Pingaarnertut aqqutit pilersinneqareerput, sulilu immikkoortup qanittuani illuliortoqanngilaq. Taamaattumik maannakkut immikkoortup qanittuani sanaartornissamut pilersaarutaasut tunngavigalugit sanaartugassap eqqaanut ataqatigiinnersoq nalilersorneqarpoq.

Immikkoortut Nuummi noqqaassutigineqaqisunik pingaarnertut inissialiortissatut eqiteriffigineqarsinnaanerit ingerlatsiviup ataatsimut isigalugu nalilerpaa. Ingerlatsivimmiilli pilersaarutitut siunnersuummut pingaaruteqartunik oqaaseqaateqarpoq, pilersaarullu akuersissutigineqassappat taakku kommunimut pilersaarummut tapiliussamik tulliani suliaqarnermi ilanngunneqassapput.

Ingerlatsiviup oqaaseqaatai:

- Sissaq sinerlugu aqquq pilersaarutaareersup ilaatut pilersinneqassaaq, taannalu immikkoortup ilaat 4A7-ip aamma 4A8-p akornatigoorpoq. Taamatuttaaq sanaartornissamut pilersaarutip aamma sissaq sinerlugu aqquq akornatigut atassusiisoqassaaq
- Illoqannginnersat sanaartukkallu ilusaat suliarineqassapput sapinngisamik immikkoortumi nunap ilisarnaataanik atorluuanikkut attassinikkullu sapinngisamillu nunap allanngortinnaveersaerneratigut - matumani aamma illut toqqavii pukkilisinneqassapput
- Blokini majuartarfinni elevatorilersuisoqassaaq aamma pinnguartarfik tikikkuminarsarneqarnerussaaq
- Silataasa isikkussaat Kommuneqarfik Sermersuumit inaarutaasumik akuersissutigineqartussaavoq
- Sanaartornissamut siunnersuummi illut tamarmik quilersorneqassapput

Pilersaarusiornermut inatsit nutaaq, Inatsisartut inatsisaat nr. 34, 9, december 2015-imeersoq tunngavigalugu nunaminertamik inniminniinissaq qinnutigineqarpoq. Pilersaarusiornermut inatsisip allanngortinneqarnera Kalaallit Nunaanni Naalakkersuisunit Kommuniniillu inuusutissarsiornerup siuarsarusunneqarneranut ilaavoq, taamaaliornikkut aningaasaliinissaq ajornannginnerulissammat orniginarnerullunilu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq.

### **Ingerlatsivimmit aningaasatigut sulisoqarnikkullu naliliinerit**

Pilersaarummut qinnuteqaat kommunimut aningaasatigut kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorleqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Sanaartornissamut qinnuteqaat
2. Inatsisartut inatsisaat nr. 34, 9. december 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqarpoq
4. Naliliinissamut allattorsimaffik Sanarfinermut Avatangiisinullu Ingerlatsivimmit suliarineqarpoq

# **IMMIKKOORTOQ 3: Kommunimut pilersaarummut tapiliussamut siunnersuut 1C30-4 Tuujuk, Nuuk**

## **Beslutning**

Inassuteqaat akuersissutigineqarpoq.

## **Ilanngussat**

Kommunimut pilersaarummut tapiliussamut 1C30-4, Tuujuk, siunnersuut

## Kommunimut pilersaarummut tapiliussamut siunnersuut 1C30-4 Tuujuk, Nuuk

Aalajangiiffigisassaq

SagsID.: EMN-2021-17205

Sanarfinermut Avatangiisinullu Ingerlatsivik, pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- kommunimut pilersaarummut tapiliussamut siunnersuut 1C30-4 Tuujuk, Nuuk akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C30-4 Tuujuk, Nuuk, matumuuna saqqummiunneqarpoq.

Pilersaarusiortifigineqartoq 7,2 ha.-it missiliorlugit annertussuseqarpoq Nuup qiterpasittortaani inissisimalluni Tuujuullu annersaa tassaniippoq, immikkoortumi Aqqusinersuup aamma Kongevejip akornanni. Immikkoortoq ullumikkut annerusumik inissianut siunertanut atorneqarpoq taakkulu ullumikkut pisoqalisunik inissiarqarput, kiisalu Ceresvej kujammut sinerlugu inissianik nutaanik. Kujammut kimmuq teqqequani Hans Egedep oqaluffiata ataani illoqarfimmi iliveqarfik ippoq. Immikkoortumi Kirkeveji kitaani Brugseneeraq ippoq.

Immikkoortup ilaa ataatsimoorussanut siunertaqartunut qitiusumik immikkoortussamut atugassanngortinneqarpoq, aamma immikkuualuttut A aamma B isateriffigineqarsinnaalerpoq inissiaareersut pisoqqat isaterneqarnissaannut immikkoortullu inissianik eqimasunik pukkitsunik quleriaaaniullu inissialiorfigineqarnissaanut.

Pilersaarummut tapiliussassatut siunnersuummi matumani sanaartorfissat qulingiluat immikkoortinneqarput.

Sanaartorfissat A1-A9 pisortat inissialiornerannut atorneqassaaq.

Sanaartorfissaq A1-A9 Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermit peqatigiiffiusunik atorneqarsinnaavoq siunertanut pisortatigoortumik atugassatut.

Sanaartorfissaq 10 pisiniarfiup pioreersup allilerneqarnissaanut atorneqassaaq. Illumi allermi pisiniarfeqarlunilu inuussutissarsiuqartoqarsinnaavoq quleriinnilu qulaaniittuni inissiaqarsinnaavoq.

Immikkoortumi nutaamik sanaartornermi quleriit 2-4 angullugit portutigisumik illuliortoqarsinnaavoq.

Sanaartukkat nutaat blokkitut takisuutut/illugiissutut imaluunniit sanileriaatut uigulukuttutut aamma sivingasunik qalialittut sananeqassapput. Takisuujuneri kipiniarlugulusooq illut silataatigut aniinganeqartinneqassapput, aniinganertaasa atortui allaanerutinneqassapput imaluunniit ammukaartunik igalaaqartinneqassapput.

Inissialiat assigiinngiiaartut aamma angissutsimikkut periarfissinneqarput, inissianut immikkoortup assigiinngiiaarnissaanik aamma inunnuq assigiinngitsunik ukiulinnut pilerinartuunissaanik kiisalu innuttaasut assigiinngiiaartumik katitigaanissaanik qulakkeerinnittumik

Inissianut nutaanut atatillugu silamiiffissat pitsaasuunissat qulakkeerneqassaaq. Sanaartukkat nutaat eqimattanngorlugit silataanni ataatsimut uninngaarfigisinnaasaannik peqartinneqassapput, najugaqatigiinnermut peqataanissamut tikilluaqqusisunik aamma najugaqatigiit akornanni

attaveqatigiilersitsisunik. Inissiaqarfiit silatai uninngaarfeqartinneqassapput, anorimut asseqqasunik aamma seqinermut sammitinneqartunik, naasoqarlunilu pinnguarfeqarlunilu sammisassaqaqfigineqarsinnaasumik, kiisalu sikkilinit inissiiffissaqartunik.

Immikkoortoq napillugu, Tuujuup aqputaa kusserngalu sinerlugit, pilersaarutaavoq tamanna qaffanneqassasoq sukisaarsarfiusinnaasorlu pioreersoq annertusitinneqarnissaa, immikkoortumut tamarmut qorsuttaqarfinngortinneqartumik. Kussineq sukisaarsarfiup ilaatut iluarsineqassaaq tamassuma nammineq pissusaa aamma sanarfineqarneratigut aamma ingerlaarfiit qulineqassapput ujaralersorneqarlutillu ingerlaarfissanik, illoqarfiullu ilaa eqqaaniittoq assigiinngisitaartunik naasoqartinneqassaaq.

Immikkuualuttup ilaani A-mi biilinit uninngasarfissat inissianut nutaanut atasumik pilersinneqartassapput, sumiiffinni silataani ataatsimoorfigineqarsinnaasut avataanni, imaluunniit illumut atatillugit. Kommunimut pilersaarummi biilinit inissiiviit pillugit najoqqutassat atuuttut naapertorlugit immikkoortumi biilinit uninngatitsivinnik pilersitsisoqassaaq. Inissiaqarfinnut aqput aqqusineqqatigut aqquserngillu sinerlugit pissaaq, kiisalu qorsuttaqarfimmut atatillugu sukisaarsarfiusumit.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

Kommunimut pilersaarummut tapiliussassatut siunnersuutip 1C30-4-p akuerineqarneratigut immikkoortumut kommunimut pilersaarummut massakut tapiliutaasumi 1C30-2, 1C30-3 aamma 1C34-1 kiisalu 1C5-1 atorunnaarsinneqarput.

#### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaataatallit**

- Pilersaarusionerq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

#### **Ilanngussaq**

1. Kommunimut pilersaarummut tapiliussamut 1C30-4, Tuujuk, siunnersuut

# IMMIKKOORTOQ 4: Qeqertarsuatsiaani aalisakkanut fabrikkiliornissaq

## Beslutning

Inassuteqaat imatut oqaaseqaatitalerlugu itigartitsissutigineqarpoq:

Pilersaarummut inatsimmi §32 naapertorlugu inerteqquteqartoqarpoq. Allaffissornermit ukiup ataatsip ingerlanerani nutaamik kommunimut pilersaarummut tapiliusaaq, inuussutissarsiortut, pisortat innuttaasullu soqutigisaannik imalik, suliarineqassaaq.

## Ilanngussat

Nunap assinga ilanngussaq

Tusarniaanermut akissuteqaat Nunaqarfimmi aqutsisut

Tusarniaanermut akissuteqaat Peqatigiiffik Nuunnguaq

Tusarniaanermi saqqummiunneqartut

Naammagittaaliuteqarneq pillugu suliamik aalajangiineq

Aalajangersakkat pingaarnerit pioreersut

## **Qeqertarsuatsiaani aalisakkanut fabrikkiliornissaq**

Aalajangiiffigisassaq

SagsID.: BOG-2021-03401-003

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Qeqertarsuatsiaani sumiiffimmi qinnuteqarfiusumi aalisakkanut fabrikkiliornissaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivik matumani Qeqertarsuatsiaani aalisakkanut fabrikkiliornissaq pillugu suliassamik saqqummiussivoq. Suliaq Sanarfinermut Avatangiisinullu ataatsimiititap ulloq 18. juuni 2021-mi ataatsimiinnerani saqqummiunneqarpoq, tassani Qeqertarsuatsiaani aalisakkeriviliornissaq pillugu qinnuteqaat itigartitsissutigineqassasoq aalajangerneqarpoq. Nunaminertamik atugassiinissaq nunaminertanut oqartussaqaarfimmit itigartitsissutigineqarpoq, tamnnalu kingorna qinnuteqartumit naammagittaalliutigineqarpoq. Naammagittaalliutigineqartoq suliarineqarpoq naammagittaalliutigineqartorlu akuerineqarpoq nunaminertanut oqartussaqaarfiup aalajangiinera nutaamik suliarineqartussanngorlugu. Taamaattumik suliaq Sanarfinermut Avatangiisinullu ataatsimiititamut saqqummiuteqqinneqarpoq.

Novembari 2018-imi Greenland Fish & Offshore ApS Qeqertarsuatsiaani aalisakkanut fabrikkiliornissamik qinnuteqarpoq, qinnuteqaatilli imarisai amigaateqarmata suliarineqarsinnaasimangilaq.

Tamatuma kingorna suliffeqarfik kommunimit aningaasatigut tapersorsorneqarnissamik qinnuteqarpoq tamannalu apriliip 21-ani 2020-mi Aningaasaqarnermut Inuussutissarsiornermullu Ataatsimiititap ataatsimiinnerani suliarineqarpoq. Qinnuteqaat inatsisinut atuuttunut innersuussutitalimmik itigartitsissutigineqarpoq.

Suliffeqarfik nutaamik, Nuunnguaq Seafood IVS-imik atserluni nutaamillu CVR-nr.-lerluni nunaminertamik atugassinneqarnissamik qinnuteqaqqissimavoq. Aalisakkanut fabrikkip Pilersuisup kimmukujatikanniani, Pilersuisup gassinik toqqorsiviuteqarfiani sanaartorneqarnissaa kissaatigineqarpoq, taamaattumillu pilersaarutip piviusunngortinneqarnissaanut gassinik toqqorsiviup nuunneqarnissaa pillugu Nuunnguaq Seafood IVS-ip KNI-mik isumaqatigiissusiornissaa piumasaqaataavoq, ilanngussa 1.

B-157-ip eriagisassatut aalajangiunneqarsimanera ingerlatsiviup ilisimaarivaa qinnuteqartorlu tamatumingga ilisimatissimallugu Kommunalbestyrelsillu tamatuma atorunnaarsinneqarsinnaanera aalajangiiffigisinnavaa. Taamaattumik qinnuteqartup qinnuteqaammimi illuliornermi malittarisassat naapertorlugit B-157-imut ataqqinnittumik ungasissuseqarnissaaq malissimavaa.

Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Tusarniaanermut akissutinik katillugit marlunnik tiguisoqarpoq, taakkunani aappaa nunaqarfimmi aqutsisuninggaaneerpoq taakkulu

aalisakkanik fabrikkiliornissaq kissaatiginngilaat, ilanngussaq 2. B-157-ip eriagisassatut inissisimanera pillugu suliamik ingerlasoqarpoq, Nunaqarfimmilu aqutsisut tamatuma qulaajarneqaqqaarnissaa kissaatigaat. B-157 aalisakkanik fabrikkiliassatut qinnutigineqartup sanianiippoq.

Tusarniaanermut akissutip aappaa peqatigiiffik Nuunnguaminngaanneersuuvoq, taakkulu qinnuteqartumut tatigininnatik allapput, aammalu najukkami aalisartut qinnuteqartumit sianiinaarneqarsimasutut misiginertik pissutigalugu aalisakkanik fabrikkissamut tapersersuinngitsut paasissutissiillutik, ilanngussaq 3.

Tusarniaanermut akissutigineqartut suliamut nutaamik ilassusiinngillat, pilersaarusionerq pillugu inatsit atuuttoq malillugu qinnutigineqartumut nunaminertamik atugassiinissaq aporfissaqarmat.

Ataatsimiititamit aalajangerneqarsinnaavoq immikkoortumi qinnutigineqartumi ineriartortitsineq, aalajangersagaareersut pingaarnert periarfissaqartitsineri tunngavigalugit allannguinnissamik, § 32 naapertorlugu inerteqquteqarnikkut. Taamaaliornikkut immikkoortup qinnutigineqartup allangortinneqarnissa pinngitsoortinneqarsinnaavoq, ukiup ataatsip iluani sukumiisumik aalajangersakkat suliarineqarnerini.

Aalisakkanik fabrikkini najukkami tunngavissinneqarluni tapersersorneqaruni Qeqertarsuatsiaanik pitsanngorsaaqataasinnaasoq, Ingerlatsivik naliiivoq.

### **Ingerlatsivimmit aningaasatigut sulisoqarnikkullu naliliinerit**

Qinnuteqartup sanaartorfissagissaanissaq, gassinik toqqorsiviup pioreersup nuunnissaa allallu nammineerluni isumagisussaassammagit, aalisakkanut fabrikkimik sanaartornissaq kommunimut aningaasaqarnikkut sulisoqarnikkullu kinguneqassanngilaq.

§ 32 naapertorlugu inerteqquteqarnissaq toqqarneqassappat, tamanna nukissanik, immikkoortoq pillugu sukumiisunik aalajangersakkanik suliaqarnermik, kinguneqassaaq.

### **Suliffeqarfimmut Kiffartuussivimmit aningaasatigut naliiineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatitalit**

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17 november 2010-imeersoq
- Pilersaarusionerq aamma nunaminertat atorneqartarnerat pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusionerq naluarsuaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusionerq- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa.)

### **Ilanngussaq**

1. Nunap assinga ilanngussaq
2. Tusarniaanermut akissuteqaat Nunaqarfimmi aqutsisut
3. Tusarniaanermut akissuteqaat Peqatigiiffik Nuunnguaq
4. Tusarniaanermi saqqummiunneqartut
5. Naammagittaaliuteqarneq pillugu suliamik aalajangiineq
6. Aalajangersakkat pingaarnert pioreersut

# **IMMIKKOORTOQ 5: Sanaartornermut aningaasaliissutiniit sanaartornermut aningaasaliissutinut allanut nuussineq**

## **Beslutning**

Inassuteqaat akuersissutigineqarpoq ima oqaasertalerlugu:

Inatsisinut tunngasut qulaajarneqareerpata sanaartorneq aatsaat aallartisarneqarsinnaassaaq.

## **Ilanngussat**

Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfillu attaveqatigiinneq

Missingersuutit A-t

Namminersornerullutik Oqartussat aamma kommunit akornanni sanaartorfissagissaaneq pillugu isumaqatigiissutaat 1998-imeersoq

Nukissiorfiit ukioq kaajallallugu imermut aqutit pillugit innersuussutaa



## **Sanaartornermut aningaasaliissutiniit sanaartornermut aningaasaliissutinut allanut nuussineq**

Sanaartorfissagissaanermut aningaasaliissutit sanaartorfissagissaanissamut pilersaarummut aalajangersimasumut allanngortinnerat pillugu akuersissuteqarneq

Aalajangiiffigisassaq

SagsID.: ANL-2022-00006

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- aningaasaliissutaasunit sinneruttut 1.600.000 koruunit sanaartornermut aningaasaliissutiniit pilersaarutit ima normulimmiit 0701034009 »Attaveqaatinut sanaartorfissagissaanermullu aningaasaliissutit« sanaartornermut aningaasaliissutinut uunga »Sanaartorfissagissaaneq, immikkoortoq 2B2« kingorna 21.150.000 koruuninik katillugit aningaasaliissutitaqartunut nuussineq akuersissutigineqassasoq
- suliariumannittussarsiuussinermi neqeroortitsisoq appasinnerpaaq allaffeqarfimmit akuerineqassasoq taavalu pingaarnertut imermik pilersuivissap nammineq atugassap pilersinnissanut kommune suliarinnissinnaappat suliarinneqqusaappallu aningaasartuuteqarlunilu sanaartorfissagissaanermut suliaasaq aallartissagaa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut aalajangiiffigisassatut ingerlateqqinneqassasoq

### **Suliamik saqqummiussineq**

Nuummi nunaminertanik sanaartorfissagissaasarneq ajornartorsiutinngoriartorpoq. Imermik pilersuineq pillugu Inatsisartut peqqussutaat nr. 10, 19. november 2007-imeersumi § 3 malillugu allaqqavoq illoqarfinni aamma nunaqarfinni imermik pilersuineq pillugu pilersaarusioneq nuna tamakkerlugu Nukissiorfiit suliaarigaat.

Namminersornerullutik Oqartussat kommunillu akornanni Sanaartorfissagissaanermut isumaqatigiissutaani atuuttumi 1998-imeersumi allaqqavoq sanaartorfissagissaanermi aqqusineq, kuuffissuaq, imeq, innaallagiasq, ungasissumiit kiassarneq aamma telekabelit ilaatinneqartut. Sanaartorfissagissaaneq aamma nunap sananeqaataanik nalimmassaanermik ilaqarsinnaasarpoq. Sanaartorfissagissaanermut pingaarnertut ledninginut atassusiinerit (stikledningit) aamma inuit namminneq biiliisa uninngasarfiit ilaaneq ajorput.

Nukissiorfiit sanaartornermut pilersaarutaat nalinginnaasumik Namminersorlutik Oqartussat aningaasaliissutigisarpaat, taamaattumik Nukissiorfiit ima inisseriataarsinnaapput kissaatigineqartut kommunit ilaannit akuerineqanngitsoorlutik. Kommunip sanaartorfissagissaanermut pilersaarutaasa aamma Nukissiorfiit aningaasaliissutigut pingaarnersuiunerisa akornanni missingersuutitigut pitsaanerusumik ataqatigiissaarinnissaq anguniarlugu Nunalerinermut, Imminut Pilersornermut, Nukissiuutinut aamma Avatangiisinut Naalakkersuisoqarfik saaffiginnissutigineqarpoq.

Nukissiorfiit sumiiffimmut pilersaarummi 2B2-mi, immikkoortup ilaa B, imermut attavilersuipput, taannalu umiarsualivimmi nunaminertat tungaannut aqquserngit kitaatungaanni imermut pingaarnertut attaveqarfiuvoq. Kommunittaaq imermut aqqut malillugu kuuffissualiorpoq. Immikkoortup ilaani B-mi sanaartorfissat 13-it akornanni sanaartorfissat arfineq-pingasut aqquserngup kangiitungaaniipput. Sanaartorfissagissaanissamut pilersaarut una suliarineqanngippat sanaartorfissani illuliassat imermut kuuffissuarmullu attavilerniarpata aqquserngup aqqusineeqqallu illuatigut attavilertariaqassapput. Allatut oqaatigalugu aqqusineq ikinnerpaamik arfineq-pingasoriarlugu assanneqartariaqartassaaq sanatitsisunullu ataasiakkaanut akisungaatsiassaaq taavalu umiarsualiviliartunut umiarsualivimmiillu angallattunut akornutaassalluni.

Suliariumannittussarsiuussinermit pingaarnertut pilersaarutaasoq ilaatigut tassaavoq, sanaartorfissat arfineq-pingasut pilersornissaannut pingaarnertut imermut aqqusiornikkut pingaarnertut sanaartorfissagissaasoqassasoq. Taamaammat pilersaarutiginerqartoq malillugu pisariunngitsumik ledningiliinissamut aqqusineq marloriaannarlugu suliaqarfiussaaq.

Qularnaarinarluta Nukissiorfiit nalinginnaasumik sanaartorfissagissaanermut ilassutitut suliarisartagaa kommunimit aningaasartuutiginerqarsinnaanersoq erseqqissaatigiumallugu KS-ip Namminersorlutik Oqartussat attavigivai. Sanaartorfissagissaanissamut suliaassap sanasumit suliarineqarnissaanut piffissaliussaq sioqqullugu inatsisinut tunngasut qulaajarneqareersimassasut kommunimit naatsorsuutiginerqarpoq.

Qanorluunniit pisoqaraluarpat ilassutaa kommunimut utertussaavoq ilaatigut nunaminertanik atuisussaataasut ataasiakkaat sanaartorfissagissaanermut akileeqqusissuteqarnerisigut.

2B2 ulloq 07.12.2021-mi suliariumannittussarsiuullugu Siorarsiorfik – Nuuk City Development A/S-imit sanaartorfissagissarneqarnissaanut neqeroortitsissutiginerqarqamnerpoq. Erseqqissaatiginerqassaaq tamakkiisumik suliariumallugu neqeroortitsissutit sisamat tiginerqarmata. Neqeroortitsissut appasinnerpaajusoq 15,8 mio. koruuniuvoq qaffasinnerpaarluni 20,7 mio. koruuniulluni. Missingersuusiat A-t katillugit, tassa suliarineqarnera, isumaqatiginninniarneq iluarsinerillu kingorna 21,3 mio. koruuninik amerlassuseqarput, tabeli tullinnguuttoq takuuk.

Tabel 1: Missingersuusiat A-t katillugit

<b>Arti</b>	<b>Aningaasat mio. kr.-inngorlugit.</b>
Sanaartornermut suliaqartut iluarsineri, naatsorsuutiginnngisat tamaasa ilanngullugit	17,3
Pilersaaruserneq, sanaartorneq aamma nakkutilliineq	0,7
Sanatitsisumit tunniussineq aamma pilersaarummik nalimmassaaneq ilanngaattit ilanngaatigereerlugit	3,3
<i>Missingersuusiat A-t katillugit tamaasa</i>	<i>21,3</i>

Malugineqarpoq sanasup neqeroorutiminik tunniussinissaanut piffissaliussaq ullut suliffiit 20-nut killeqartoq matumani AP 95 §3, Imm. 5 naapertorlugi, taamaammat suliamik saqqummiussami matumani pissutsit taakkartorneqartut pillugit aalajangiisoqarnissaata tungaanut sanasumit appasinnerpaamik neqeroorusiortup neqeroortiginerqartup tunniunnissaanut piffissaliussamik sivitsuineq akuerineqassasoq siunertarlugu Sanarfinermut Avatangiisinullu Ingerlatsiviup Siorarsiorfik – Nuuk City Development A/S attaveqarfigaa.



### **Ingerlatsivimmit aningaasatigut sulisoqarnikkullu naliliinerit**

Aningaasaliissutit allanngortinneqarneri akuerineqassasut innersuussutigineqarpoq. Akerlianik pisoqassappat suliariumannittussarsiuussineq taamaatiinnassaaq kingornalu appasinnerusumik imaluunniit pitsaanerusumik neqeroortoqarnissaa naatsorsuutigineqarsinnaangilaq.

Qeqertani Inuussutissarsiuteqarfiup 2B2-5-ip sanaartorfissagissarneqarnera taamaatiinnarneqassappat, suliffeqarfiit pilersaarutaat ingerlasut sanaartorneriluunniit unittuungikkunik taamatiinnarneqassapput. Tamanna inuussutissarsiuteqartunut innuttaasunullu malunnaatilimmik kinguneqartussaavoq, soorluttaaq pilersaarutaasumik sulinerit ingerlanneqarneranit akileraarutitigut isertitassaralugit kommunimit annaaneqassasut.

Sanaartorfissagissaanermut aningaasartuutit katillugit 21 mio. koruunini aqquserngup kangiaata tungaani imermut immikkut ledningiliinissamut pingaarnertut sanaartorfissagissaaneq 6,4 mio. koruuneqassaaq. Nukissiorfiit ukioq kaajallallugu erngup aqqutai pillugit peqqussusiaani aamma Sanaartorfissagissaanissamut Namminersornerullutik Oqartussat kommunillu akornanni 1998-imi isumaqatigiissutaanni takuneqarsinnaavoq, Nukissiorfiit suliassamut aningaasanik immikoortitsisimangippat sanaartorfissagissaanissamut aningaasartuutit kommunimit isumagineqarsinnaasut, taavalu kingorna nunaminertanik atuinermut piginnittut ataasiakkat akileeqquneqassallutik. Malittarisassamut tunngatillugu apeqqut immikkut Nunalerinermut, Imminut Pilersornermut, Nukissiuutinut aamma Avatangiisinut Naalakkersuisoqarfimmut apeqqutigineqarnikuvoq.

Siusinnerpaamik ukiut tallimat arfineq marlullu qaangiuppata sanaartorfissat tamaasa atulereersimassagaat naatsorsuutigineqarpoq tamatumalu nalaani sanaartorfissagissaanermut aningaasartuutit tamarmik matussusereersimassasut naatsorsuutigineqarluni.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit naliliititsisoqanngilaq pineqartoq kommunip missingersuutaaneereermat.

### **Inatsisitigut tunngavissaq allakkallu tunngaviusumik uppersaataitallit**

- Namminersornerullutik Oqartussat aamma kommunit akornanni sanaartorfissagissaanermut isumaqatigiissutaat 1998-imeersoq
- Ukioq kaajallallugu erngup aqqutai pillugit Nukissiorfiit peqqussusiaat
- Imermik pilersuineq pillugu Inatsisartut peqqussutaat nr. 10, 19. november 2007-imeersoq

### **Ilanngussaq**

1. Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfillu attaveqatigiinneq
2. Missingersuutit A-t
3. Namminersornerullutik Oqartussat aamma kommunit akornanni sanaartorfissagissaaneq pillugu isumaqatigiissutaat 1998-imeersoq
4. Nukissiorfiit ukioq kaajallallugu imermut aqqutit pillugit innersuussutaa

## **IMMIKKOORTOQ 6: Piginnaatitsinermik agguataarinissamut pilersaarutip nutarterneqarnera**

### **Beslutning**

Inassuteqaat akuersissutigineqarpoq.

### **Ilanngussat**

Kommuneqarfik Sermersuumi piginnaatitsinermik agguataarinissamut pilersaarutip nutarterneqarnissaanut siunnersuut

## **Piginnaatitsinermik agguataarinissamut pilersaarutip nutarterneqarnera**

Aalajangiiffigisassaq

SagsID.: EMN-2022-00127

Suliffeqarfimmur Kiffartuussivik - vicekommunaldirektøri Marie Fleischer / MAFL

### **Inassuteqaat**

Suliffeqarfimmur Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu suliassaqarfimmur tunngatillugu piginnaatitsinermik agguataarinissamut pilersaarummi allannguutit akuerineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalborgbestyrelsimur akuerisassanngorlugu ingerlateqqinneqassasooq

### **Suliamik saqqummiussineq**

Piginnaatitsinermik agguataarinermur pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq. Piginnaatitsinermik agguataarinissamur pilersaarummi tamanur atuuttussami takuneqarsinnaavoq, aalajangiisinnaanermur piginnaatitsissutit Kommunalborgbestyrelsimur, ataatsimiititat allaffeqarfiullu akornanni qanoq agguataarneqarsimanersut.

Piginnaatitsinermik agguataarinissamur pilersaarummi ingerlatsivinni tamani qinikkanik sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkur aalajangiinissamur piginnaatitaaneriniq nalornisoqarsinnaanera pinaveersaartinneqassalluni.

Piginnaatitsinermik agguataarinermur pilersaarutip aalajangiiffigisassat aalajangersimasur kommunalborgbestyrelsimiitit imaluunniit Aningaasaqarnermur Inuussutissarsiornermullu Ataatsimiititamur, ataatsimiititanur ataavartunur allaffeqarfimmullu suliassanngortinneqarsimasur tamaasa imarai. Piginnaatitsinermik agguataarinissamur pilersaarummi allaffeqarfiup iluani aalajangiinissamur piginnaatitsissutit agguataarneqarnissaat malittarisassalorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat suli pisariaqassaaq.

Kisianni suliatur sulluunniit piginnaatitsinermik agguataarineq eqqarsaatiginngikkaluarlugu kommunalborgbestyrelsimur imaluunniit Aningaasaqarnermur Inuussutissarsiornermullu Ataatsimiititamur aalajangiiffigisassanngorlugit saqqummiunneqartassappur, suliaq kommunimur annertuumik imaluunniit tunngavimmigut pingaaruteqarpat imaluunniit immikkur ittunik peqquteqarpat.

Piginnaatitsinermik agguataarinissamur pilersaarutaaqqaartoq 2021-mi juunimi Kommunalborgbestyrelsimur akuerineqarpoq. Massakkulli ingerlatsivinnit tamanit nutarterneqarpoq. Sanarfinermur Avatangiisinullu suliassaqarfimmur tunngatillugu piginnaatitsinermik agguataarinissamur pilersaarut nutartigaq ilanngussaq 1-imi sungaartumik nalunaaqutsigaavoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

## **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimi Aqutsinermi lleqqoreqqusaq

### **Ilanngussaq**

1. Kommuneqarfik Sermersuumi piginnaatitsinermik agguataarinissamut pilersaarutip nutarterneqarnissaanut siunnersuut

## **IMMIKKOORTOQ 7: Lukket**

## **IMMIKKOORTOQ 8: Lukket**

## **IMMIKKOORTOQ 9: Lukket**

# **IMMIKKOORTOQ .: Taasariaqartut allat**

# **IMMIKKOORTOQ .: Imaqarniliap akuerineqarnera**

## **Beslutning**

Imaqarniliaq akuersissutigineqarpoq nal. 13:42.